

Termat e Referencës

*Ekspert lokal për të ofruar sesione trajnimi me punonjësit
e Institucioneve të edukimit të hershëm Bashkia Lezhë*

Organizata:	Shoqata Ndhmoni Jetën Fshati Prush, Njesia Administrative Vaqarr, Tirane Tel: +355(044)803370 Web site: www.helphthelife.org ; E-mail: info@helphthelife.org.al
Projekti:	“Mbështetja në moshë të hershme, një mundësi për zhvillimin e fëmijës”
Koha e angazhimit	6 Dhjetor 2021 – 30 Mars 2022
Ditë pune	10 ditë pune
Donor	Bashkia Lezhë në kuadër të Programit Rajonal për Demokracinë vendore në Ballkanin Perëndimor (ReLOaD)

Prezantimi

Shoqata “Ndhmoni Jetën” është organizatë Kombëtare jo-fitimprurëse, e ngritur në Tiranë në Shtator 1998, si një iniciativë e një grupi prindërisht të fëmijëve me aftësi të kufizuara me qëllim mbrojtjen e të drejtave dhe gjithëpërfshirjen e personave me AK në shoqëri.

Shoqata ka një eksperiencë dhe ekspertizë të ngritur që prej operimit të saj në fushën e trajtimit psiko-socio-edukative të fëmijëve dhe të rinjve me aftësi të kufizuara, duke ofruar Modele të trajnimit të fëmijëve me aftësi të kufizuara me një ekip multidisiplinar. Referuar kësaj ekspertize, Shoqata ka fokusuar punën e saj në rritjen e kapaciteteve të specialistëve që punojnë me fëmijët me aftësi të kufizuara në institucionet e edukimit parashkollor (çerdhe/kopështe), shkollë, shërbime rehabilituese në qendër komunitare/qendra ditore, mbështetje në familje, ngritjen e vetdijes dhe informacionit të prindërve të fëmijëve me aftësi të kufizuara dhe anëtarëve të tjerë të familjes dhe komunitetit, si dhe advokaci dhe lobimin për respektimin e të drejtave të këtij target grupi në zbatim të Konventës për të Drejtat e Personave me AK.

Shoqata, me mbështetjen e ‘Bashkia Lezhë në kuadër të Programit Rajonal për Demokracinë vendore në Ballkanin Perëndimor (ReLOaD), ka filluar implementimin e Projektit “Mbështetja në moshë të hershme, një mundësi për zhvillimin e fëmijës”, i cili implementohet në qytetin e Lezhës.

Projekti është dizenuar tju vij në ndihmë fëmijëve me aftësi të kufizuara dhe ata me vështirësi në zhvillim që ndjekin Institucionet e edukimit të hershëm në qytetin e Lezhës. Kjo gjë do të arrihet duke trajnuar edukatorët e institucioneve të edukimit të hershëm, si dhe stafit mbështetës që punon për zhvillimin e fëmijëve me vështirësi në zhvillim në këto institucione dhe prindërit e tyre. Gjithashtu, projekti do të ngrej Rrjetin lokal të Institucioneve publike dhe private që punojnë me/për fëmijët me aftësi të kufizuara, në

bashkëpunim të ngushtë me Bashkinë Lezhës duke u fokusuar në ngritjen e kapaciteteve të tyre në drejtim të fëmijëve me AK.

Objektivat kryesore dhe rezultatet e projektit janë:

Objektivi i Përgjithshëm:

Të përmiresojmë kapacitetet e fëmijëve me vështirësi në zhvillim në drejtim të zhvillimit mendor, social dhe edukativ, dhe ti ndihmojmë ata të kenë një jetë të pavarur dhe gjithëpërfshirëse në komunitet.

Objektivat Specifikë:

OS.1. Të rris kapacitetet e prindërve të fëmijëve me vështirësi në zhvillim dhe punonjesve të edukimit të hershëm të identifikojnë dhe mbështesin zhvillimin e fëmijëve me vështirësi në zhvillim, dhe rrisin aksesin në shërbime cilësore.

OS.2 Të rritet niveli i ndërgjegjësimit të institucioneve (shëndetësore, arsimore, punësimit, ofrues shërbimi, etj) në nivel lokal dhe anetare të tjera të komunitetit në bashkinë Lezhë për të adresuar më mirë nevojat e PAK.

Në kuadër të implementimit të këtij projekti, Shoqata Ndhmoni Jetën kërkon të kontraktoj një ekspert, të aftë për të demonstruar aftësi teknike dhe humane për të informuar dhe edukuar edukatorët e cerdheve dhe kopshteve të qarkut Lezhë, se si të punojnë me fëmijët me AK.

Qëllimi i shërbimit:

Eksperti lokal do të angazhohet në ofrimin e sesioneve të trajnimit për edukatorët e cerdheve dhe kopshteve të Bashkisë Lezhë sipas moduleve të përgatitura nga Shoqata Ndhmoni Jetën për të rritur kapacitetet e tyre akademike në drejtim të njohurive mbi:

- Rëndësinë e Ndërhyrjes së hershme për fëmijët me aftësi të kufizuara,
- Përfshirja cilësore në programin edukativ dhe manaxhimi i sjelljeve joadekuate tek fëmijët me vështirësi në zhvillim.
- Zhvillimin fizik, konjitive dhe gjuhësor të fëmijëve 0-3 vjeç.
- Komunikimin me prindin.
- Përshtatjen e grupeve sipas nevojave të fëmijëve duke siguruar gjithëpërfshirjen e tyre. Etj.

Metodologjia

Sesionet e trajnimit do të ofrohen bazuar në metodën me pjesëmarrje duke ju dhënë pjesëmarrësve mundësinë të ndajnë eksperiencat e tyre, pritshmëritë dhe duke i përfshirë ata në ushtrime për të përforcuar elementët që do tju prezantohen gjatë sesioneve dhe se si ato do të influencojnë në zhvillimin e fëmijëve. Trajnimi do të organizohet duke u bazuar në 2 Manualët e përgatitur nga Shoqata Ndhmoni Jetën të cilët përbehet nga 5 Module për edukatorët e cerdheve dhe 5 Module për edukatorët e kopshteve.

Përgjegjësitë e ekspertit

Nën supervizionin direkt të Koordinatorit të Projektit, Eksperti pritet të:

- Ofroj sesionet informimi/edukimi të stafit të cerdheve/kopshteve, sipas një kalendari mbi të cilën do të bihet dakort midis dy palëve;
- Të përgatis të gjitha materialet që do tju shpërndahen pjesëmarrësve gjatë trajnimit;
- Të përgatis axhendën e trajnimit duke u kujdesur që të jetë sa më gjithëpërfshirëse;

- Të përgatis vlerësimet e para/pas trajnimit për pjesëmarrësit e përfshirë në trajnim sipas formatit të mundësuar nga Ndihmoni Jetën;
- Të këshillohet me Ndihmoni Jetën në avancë për cdo ndryshim në kalendarin e sesioneve të trajnimit;
- Të përgatis një raport final në fund të sesionit të trajnimit ku të përfshihen feedback i pjesëmarrësve.

Përgjegjësitë e Ndihmoni Jetën

- Të siguroj pjesëmarrjen e edukatoreve në çdo session trajnimi.
- Të siguroj transportin e ekspertit në trajnim.

Vendi i konsulencës: Lezhë (Në prezence ose online nga Tirana në rast mbyllje nga masat anti COVID-19)

Kohëzgjatja e konsulencës: 6 Dhjetor 2021 – 30 Mars 2022

Politikat e mbrojtjes së fëmijëve të Ndihmoni Jetën:

Personat që do të punojnë me Kontrata Shërbimi për Ndihmoni Jetën duhet të pranojnë me shkrim se ata kanë kuptuar “Politikën e Ndihmoni Jetën për Mbrojtjen e Fëmijëve” dhe standartet që përcakton kjo politike.

Kualifikimi ose eksperiencia që kërkohet

Eksperti duhet të përmbushi kërkesat si më poshtë:

- Të zotëroj një diplomë universiteti në fushën e zhvillimit të fëmijës (Psikiater zhvillimi, Psikologji apo Pune Sociale;
- Të ketë minimum 5 vite eksperiencë profesionale në fushën e zhvillimit të fëmijëve;
- Eksperiencia të mëparshme në ofrimin e trajnimeve me fokus fëmijët me AK;
- Njohuri mbi situatën e të drejtave të fëmijëve me AK në Shqipëri si dhe legjislacionin shqiptar;
- Aftësi shumë të mira në komunikim dhe shkrim raporti;
- Aftësi për të punuar me pak supervizim dhe nën presion.

Kandidatët e interesuar të cilët i plotësojnë kriteret e parashkruara në këto Terma Reference, mund të dorëzojnë dokumentat e mëposhtëm brenda 5 Dhjetor 2021.

- Letër motivimi që shpjegon motivimin tuaj për të aplikuar për këtë pozicion dhe se si ju i plotësoni kriteret.
- CV e detajuar
- Letër reference
- Diploma

Vetëm kandidatët e përzgjedhur për fazën e intervistës do të njoftohen.

Aplikimet tuaja mund ti dërgoni në këtë adresë e-maili: info@helphelife.org.al ose në adresën postare: Shoqata Ndihmoni Jetën, Fshati Prush, Njësia Administrative Vaqarr, Tiranë.

Përzgjedhja e ekspertit do të bëhet bazuar në atë:

- Se sa mirë do të plotësoj kërkesat e parashtruara në Termat e referencës.
- Eksperienca të ngjashme.

Gjatë procesit të vlerësimit do të kenë prioritet aplikuesit nga Bashkia Lezhë